

光緒重修安徽通志

重修安徽通志卷三十一

輿地志

山川

潁州府

藥山 霍邱縣南八十里產半夏蒼朮

九仙山 霍邱縣南百五十里上有石曰九俗傳舊有九仙人
在此山擣藥因名

九丈潭山 霍邱縣南二百里下有潭深九丈故名相近又爲
三尖山

梅山 霍邱縣南二百里

望到山 霍邱縣南二百二十里山形峭峻遙望似近行卽難

到故名

按縣南二百里接六安界此云二百二十里疑誤

大別山 霍邱縣南九十里一名安陽山以漢安豐縣在山東北陽泉縣在山西北各取縣之一字爲名也禹貢內方至於大別鄭注在廬江安豐縣班固云禹貢大別山在安豐縣南山接河南固始縣界亦名檀公峴相連有芙蓉山按禹貢大別當漢水入江之處在湖廣漢陽縣

長山 霍邱縣西八十里三山相連曰南長山北長山中長山有洞名揚廣洞其相近者曰高祖山接固始縣相傳漢高祖追項羽至固陵駐兵於此

臨水山 霍邱縣西北寰宇記在縣西北九十五里西臨淩水故名

嵇山 渦陽縣東北六十里晉嵇康家於山下因氏焉在石弓山東北三里

舊志列鳳陽府內今移

獨山 渦陽縣東北二十五里孑然獨聳又有南獨山在縣東

北

同上

石弓山 渦陽縣北六十里山形如弓多石

同上

龍山 渦陽縣東北二十五里山有白雲洞洞內又有一洞倒

垂石塔長尺五寸有石龍二尺鱗角宛然

見宿州志今渦陽地

塔山 渦陽縣東北龍山之西里許

齊山 渦陽縣北石弓山之西北八里有齊王墓

見宿州志今渦陽地

黃石山 渦陽縣東五十里山多黃石俗稱黃石公山

同上

雲夢山 渦陽縣舊城集南二里

萬壽山 太和縣北九十里

府志作四十五里

宋名縣曰萬壽以此

駝山 蒙城縣西二十里山首尾高而中陷故名

靈山 蒙城縣西北二十里下有洞及泉皆以黃柏名又五里

有齊山與此相連

狼山 蒙城縣西北二十八里有南北二峯對峙山陽有當陽寺巔有天池泉一名郎山

檀城山 蒙城縣北四十里故山桑城內峯極聳秀檀道濟嘗築城於此

七旗嶺 府城南七十里北臨谷河元王保保屯兵處

金牛嶺 府城南百二十里淮水北岸

鐵牛嶺 渦陽縣東南十一里

中村岡 府治南七十里南臨谷河環岡皆村落故名

安舟岡 府治南九十里淮水北岸往來舟楫所泊故名

仁勝岡 府治西南百四十里近父亭又五里曰熬鼎岡在汝

水北岸

礮岡 霍邱縣南十五里地脈自三尖山直抵縣治相傳先代
以此地有王氣掘斷之故名又臨淮岡在縣西北三十里臨淮
河有渡通潁上

黃岡 潁上縣西南二十里淮水南岸又垂岡在潁上縣東南
四十里淮水北岸

虎頭岡 亳州北二里迴伏數里爲城北之屏障又州南一里
曰南虎頭岡

臥龍岡 太和縣西北六十里

豹子崖 霍邱縣西南九十里近開順鎮相傳舊有銀河明隆
慶初姦民聚眾開掘因置把總防守尋罷

管谷 潁上縣北二十五里相傳卽管仲故里

青邱 府治東五十五里潁潁隋有青邱縣今名青邱村

金邱 府治南八十里相傳楚王埋金於此以鎮水災

大潤河 府治南五十里源於土陂地泉積流成河東南至潁

上界入淮又小潤河在府南四十里東流入大潤河

清河 府治南相傳楚靈王所鑿五代時刺史王祚疏其故道
名曰清河分三派曰西川中川東川流入於潁

谷河 府治南九十里源自澗河經一虎橋至水臺西入淮又
八丈河會聶家等湖之水東入谷河

蒙河 府治南百里自紅林東陂積水成河西流入淮

西茨河 府治西自太和縣南流入於沙河又北茨河在府治
北卽古細水也

流鞏河 府治西源自項城縣經沈邱入於潁相傳漢光武與
王尋戰失利渡河而喪其鞏

小汝河 阜陽縣西一百三十里自河南沈邱溝洫之水積而成河過雙溝南至沈邱鎮北入潁

柳河 府治西五十里源自白陽湖經廢柳河驛至石羊鋪入舊黃河又有舒陽河合於此

延河 府治西沈邱鄉自新蔡東流入境又東北過陽橋入潁水

舊黃河 府治西北金之季年決於太康西北自陳州界入府境流經城北元末又自南頓合潁水東流明正統二年復徙鹿邑黃流遂絕成化末一支復通於潁今亦絕

肥河 自蔡河分流經太和縣北九十里亳州南八十里阜陽縣北一百十里又東經潁上縣東北六十里又東南流至壽州入淮卽古夏肥水也漢書地理志城父有夏肥水東南至下蔡

入淮過郡二行六百二十里水經注夏肥水上承沙水於城父

縣有東南流逕城父縣故城南又東逕思善縣之故城南今渦陽縣

地又東為高陂又東為天淙陂分為二流南為肥水東流左合

雞水北為雞陂又東為黃陂又東南積為茅陂又東為雞水仍

合肥水亂流東注於淮亳州志肥河在州南八十里與潁川接

界又有雙溝在州南六十里南流入肥又有魚槽溝一名吳槽

溝在雙溝南三十里接太和縣界東流入肥渦陽縣志云南肥

肥水水經注之夏肥水以別北肥東肥也發源河南鹿邑縣練

溝清水二水會流至亳州之孟家橋東流經亳南過太和縣東

北又經亳州龍德寺至阜陽縣之苗家寨東南至劉家集東北

至順河集南入渦陽縣境王市集少東至張楊集北又逕縣境

佛鎮集南入鳳臺歷潁上北肥河 蒙城縣北三十里東流入鳳陽府懷遠縣界水經注

北肥水源出山桑縣西北澤數東南流左右翼佩數源又東南

逕山桑縣故城南又東積爲瑕陂又東南逕瑕城南又東南至向縣按淝水有三一出城父縣曰夏淝水在今縣西南入淮不經縣界一出山桑縣曰北淝水卽今縣北之水對夏淝水言故加北一出成德縣在今合肥縣界三水源流各別應劭誤以夏淝爲合肥之肥而其水近北肥與合肥殊遠舊志多混淝源於龍山湖逕蒙城界東至懷遠縣之正義志北淝河匯爲巨浸經靈璧南至鳳陽之沫河口入淮

史河 潁上縣東十里源於河南固始縣流經霍邱縣北入淮潁水之支流也

八里河 潁上縣南八里其上流曰東西二柳溝自阜陽縣界流入又東南入淮

濟河 潁上縣北五十里源出亳州東北流合肥水入淮

江口河 潁上縣北卽古江陂水也水經注江陂水首受大崇

陂水南流積爲江陂又南逕慎城西側城南流入潁縣志江口
河源出州界蘆壘南流入潁又黃溝在縣西北三十里亦自州
界流入東北入潁又王愛溝在縣東北十里受陽臺長林湖水
西南乃入於潁

減河霍邱縣東南二十五里源自六安州香河嶺分流入於
東河東河亦源於六安入淮

新河 霍邱縣北二十五里其水在宋宣和前不通舟楫建炎
以後湍流衝激水勢漸大東北合於淮

清水河 亳州西南十五里東北流入渦水又三里河在州南
三里宋塘河在州南二十里麥稽溝在州南十二里黃練溝在
州東南二十五里皆東入渦水

雉河 亳州東百二十里與蒙城渦陽縣界南流入渦

渦陽縣志雉河

俗名武家河上承河南商邱縣之沙河東南流至田家橋入亳州境由薛家橋至小珠村分爲二東名雉河西名墜河至賈家橋合流東南逕觀音堂
太清宮東南入渦河

漳河 亳州南三十里東北流入渦俗謂之欠水相近有十字河又有百尺河三里河明河油河三丈口河清水河俱入於渦
明河 亳州南六十里自河南歸德府鹿邑縣東流入又東入渦卽古沙水也水經注沙水又東積而爲陂明水注之明水上承沙水之津東出逕汝南郡之宜祿縣又東北流注於陂陂水東流謂之細水又東逕新陽縣北又東高陂水出焉沙水又東分爲二水卽春秋所謂夷濮之水也枝津北逕譙縣故城南又東南逕城父縣西南枝津出焉又東南至山桑

百尺河 亳州東南五十里上通百尺溝東流入渦亦沙水支流也元憲宗五年張柔成亳州以百尺口爲宋往來之路築甬

道自毫而南置堡立柵由是糧運悉通

黃河 亳州西北三十里元末嘗自通許分派流入渦河

包河 亳州西北二十五里東流入馬尚河按毫志云舊作包作苞通作包苞河在城東北三十六里與此文不同毫志又別無包河詳後條苞河下

馬尚河一名陳 亳州北一里由河南歸德府來至州境入於

渦河

沙河 太和縣南二里自河南沈邱縣流經界溝入縣之西南

達亳州境入潁卽古新溝也俗呼惠民河亦曰西茨河

柳河 太河縣南三十里舊黃河支流也上通項城下達潁州

入於沙河又舒陽河在縣西流入柳河又蔡村溝在縣西三十

里引柳河以南陂水入潁河

宋塘河 太和縣北六十里亦茨河分流經宋王城茅岡至縣

雙泉溝入穀河

銘河 太和縣北九十里西通河南陳州蔡河東接肥河流至斤溝入茨河

穀河 太和縣東北三十里茨河之南自臥龍分流至七里溝入茨河

茨河 太和縣東北六十里自河南鹿邑縣流入縣境又東南達潁州入沙河

茨河 蒙城縣南五十里源自潁上諸湖迴繞邑境東注於淮潁陽志茨河源出亳州東南百餘里之清油湖東南流逕花溝集至縣橋寺東南逕蒙城之聚木橋鳳臺之萬福集至懷遠縣境入淮

陶中湖 府治西百一十五里界太和縣一作陶種潤溉土田居民利之

白楊湖 府治西百二十里一作白洋舊爲黃河水道淤隔而成界太和縣又界溝湖在府西百四十里

西湖 府治西北二里潁河合諸水匯流處唐許渾從事於潁已有西湖清燕之句及宋晏殊歐陽修先後爲守皆嘗宴賞於此論者與杭之西湖並稱

國朝計東重復西湖碑記理學文章二者未分之時其人莫盛於時則理學莫盛於伊洛文章莫盛於汝潁何以明其然也理學久晦而得周程文章久晦而得歐蘇其時同也周程同時有張有邵繼起有游楊有謝尹而歐蘇同時有曾老蘇小蘇繼起蘇最著程則歸老於伊而投徒於洛歐蘇則先後官潁陳張繼之小蘇與秦亦至焉其既也歐陽老於潁二蘇家於汝且潁水入洛而近汝水合潁而長故潁尾又稱汝陰地又相同也今人讀伊洛淵源錄者皆知理學之故昔稱其地爲西鄉魯矣及深歷汝潁間攷歐蘇張陳諸先生之遺事故蹟然後知文章莫盛於汝潁西湖者潁之北郊歐蘇兩先生與子由無已太虛文潛諸君子先後游譙賦詩之地也州志載會老堂聚星堂雙柳亭皆在湖旁又其時爲畿輔名郡水陸要地湖中蓮芡之資可佐

公私水利足灌膏壤兩先生開復經畫俱見集中宋紹興後湖
漸湮亭堂尤浸滅不可考志稱有四賢祠祀晏呂歐蘇重其爲
大官也張陳輩自不得祀今其祠亦圯矣康熙七年錯嶺喻公
來守頴思復歐蘇兩先生遺蹟再浚西湖廣袤若干丈築隄以
固其防置廬以蓄其洩於是菰蒲之所蓄植鷗鷺之所飛止長
林高柳之所映帶擬之歐蘇張陳之所詠歌嬰駟乎欲還舊觀
矣復建數楹於合老堂之陞高其樓榭美其綽楔旣以爲登臨
憩息之地且以祀前賢而彰遺愛豈不美哉東之至頴也值公
簽營垂綬新秋佳日友人劉子登招子與諸友置酒湖之洲諸
公多稱修復之功而予獨慘然深思歐蘇兩先生暨張陳秦諸
公當日觴詠留連之樂諸先生即數百歲後魂魄病樂此也又
追念東年八九歲時先人日督誦歐蘇文章稍長又知讀陳無
已張文潛之文愛慕之不敢忘忽忽二十餘年今乃得置身於
諸先生仕宦游譔之地俯仰太息不能自已遂縱思高論著爲
伊洛理學汝頴文章之說所以誇大乎頴者至矣而
西湖與有榮焉雖然亦喻公修復之功不可無記

賽閣湖

頴上縣東南六十里正陽鄉其水與淮河通

白馬湖

頴上縣正陽鄉湖中有洲洲上有白馬寺

長林湖

頴上縣東北十里

陽臺湖

頴上縣北十三里有東西二水物產甚多民資其利

龍山湖 渦陽縣東北龍山之西肥水發源於此即鳳陽府宿州西南

白洋湖 太和縣西十五里與府治接一作白楊見前

聶家湖 太和縣西北有上中下三湖上湖流通入丈河其中

湖即蔡家廟湖下湖即柳林湖周迴五十餘里菱芡蒲荷水天一色

大衝湖 蒙城縣西五十里相近有蔡湖又關子湖在縣西南四十里洪塘湖在縣南十五里

駝湖 蒙城縣西四十五里梁陳慶之等攻渦陽魏遣將元昭等援之前軍至駝湖爲慶之所敗即此

蘆洲 在亳州東渦水北岸州志晉太興中祖逖進軍北伐屯蘆洲即此

乾谿 亳州東南七十里城父南左傳昭八年楚伐吳楚子次

於乾谿卽此

白魚港 府治北九十里溝洫之水積流爲大渠通肥河

汝水 府治南百里舊志源發汝州天息山流至桃花店入府

境又東過永安廢縣至朱皋鎮入淮又沈邱廢縣北有小汝水

附江南通志汝水考

汝河在府城南一百里自汝甯東北流至桃花店入府界按淮南地形訓云汝出猛

山博物志云出燕泉山水經注云出魯陽縣大孟山通志略云汝水出汝州魯山縣其地與生農盧氏接界故許慎謂出盧氏也其水南過上蔡至襄信縣汝口南入於淮班云行千三百四十里舊傳謂出汝州天息山者誤也

淮水 府治南百一十里自河南固始縣流入府境又東入霍

邱潁上縣界

潁水 府治北源出河南登封縣東流至趙家渡入府境又東

過沈邱繞北城門外過潁上之甯陵至正陽鎮入淮謂之潁口

一稱沙河

附

江南通志潁水考

潁州沙河在城東門外東南流入淮卽潁水也按唐會要云元

和十一年初置淮水運使楊子院米白淮陰汭流至壽州西
四十里入潁口又汭流至潁州沈邱界五百里至於項城又汭
流五百里入潁口又汭流至潁州沈邱界五百里至於項城又汭
潁志云潁河在縣十五里卽潁水源出登封縣潁谷經流本
縣東南至清水鎮入沙河是則沙河卽潁水明矣山海經云潁水出
少室山黃氏云出河南登封縣潁水西北來注之謂之潁口下蔡
人淮輪墨全書云淮水東流潁水出河南府陽城縣乾山自汝
淮潁之謂也詩地理考云潁水出河南府陽城縣乾山自汝
州襄城縣流入潁昌府長社縣自長社縣流入臨潁縣乾山自汝
府汝陰縣流入潁上縣至壽春府入下蔡縣人淮通志略云潁
水出潁川陽城縣少室山今陽城省入登封東南至揚州消水
入焉又東南過南頓縣入潁水今陽城省入登封東南至揚州消水
五百里入潁河南志云潁水在登封縣西四十里水自石道保神水
里入於潁水郡圖水出登封縣西南百里有故潁陽縣遺趾按
河南志有少陽河李莊河俱出少室山入潁故山海經通志略
謂出少室也新志謂潁水上通古汴相
去遠矣蓋黃河決而入潁非汴水也

谷水 阜陽縣南七十里自河南汝甯府新蔡縣流入卽汝水

支流也入於淮水經注谷水上承富水東南流世謂之谷水東

逕原鹿縣故城北又東逕富波縣故城北又東於汝陰城東南

注淮又版腸溝在州西南一百四十里積清陂塘北之水通於谷水又有葦溝土陂以西水亦通谷水又有海家溝在州南七十里東流爲桃子河又東與采芹溝合過分水廟南流入谷水北流入澗水

豐水 霍邱縣西南十里源出窮谷舊名窮水左傳昭二十七年楚救潛沈尹戌與吳師過於窮水經注窮水出安豐縣窮谷寔字記窮水在縣西南俗號豐水其上源曰棗木河在縣南八十里

淖水 霍邱縣東五十里自六安州北流入經縣東北入淮亦名東河水經注淖水逕六安縣故城西又西北分爲二水又北逕五門亭西又西北流逕安豐縣故城西又北會濡水又北入淮謂之泚口

泄水 霍邱縣東南水經注泄水自博安縣上承泚水於麻步川西北出歷濡溪謂之濡水泄水自濡溪逕安豐縣北流注於潁亦謂之濡須口

決水 霍邱縣西八十里俗訛爲史水漢書地理志決水北至蓼入淮又有陽泉水在決水東

渦水 亳州北門外發源豫之葛河口由鹿邑西來入亳州境懷家溜與馬尙河合東流經渦陽縣境東南至西陽集經蒙城縣入懷遠界

詳鳳陽府下

又西北有沙溝龍鳳溝皆流入渦元初黃

河溢入渦水後河徙而北渦水自東逕蒙城縣北明正統中黃河復通渦水其後河循故道渦水多淤

苞水 亳州東北五十里

按亳州志三十六里

源出州北舒安湖卽今花

馬潭東流入河南歸德府永城縣界水經注苞水出譙城北汀

陂陂水東流逕鄧縣南又東逕郛縣故城南東流入渙水九域

志譙縣有苞水

渦陽縣志苞河自河南商邱縣沙里集首受北

曹家溝下至泥臺店入河南永城縣之皮家

橋轉流江南宿州境入滄連淮

亳志同

高陂水亳州南周四十三里魚蚌菱芡之藪

肥水蒙城縣北三十里源自渦陽縣龍山湖東流入懷遠縣

界詳北泥河條

金溝府治北百二十里積眈滄之水通於茨河

湖溝蒙城縣東南七十里源自潁州泉流淵潄冬夏不涸

伍名溝阜陽縣北三十里相傳楚伍奢所開自母豬港直南

七十里入舊黃河自上注下地勢相去幾數仞聲如播鼓又名

響水溝

椒陂阜陽縣南魏書地形志胡城有燠邱雉飼二陂水經注

潤水首受富陂唐書地理志汝陰南三十五里有椒陂塘引潤水溉田二百頃永徽中刺史柳寶積修舊志椒陂卽焦陂也又有土陂在州南九十里盆陂在州西南雙陂在州南八十里皆障谷水溉田

清陂 阜陽縣西南一百六十里引汝水溉田爲利甚溥

大崇陂 潁上縣北水經注江陂水首受大崇陂唐書地理志下蔡西北百十里有大崇陂八十里有雞陂六十里有黃陂東北八十里有肩陂皆隋末廢唐復之溉田數百頃

大業陂 霍邱縣東北十五里周二十餘里人呼爲水門塘舊志相傳古名鎮淮洲陷而爲陂

九龍井 亳州城南唐書五行志開元二十九年孝子祠九龍井涸復涌

聖泉井 蒙城縣西北四十里歲旱取水禱雨時應

重修安徽通志卷三十二

輿地志

山川

滁州

蔣山 州南一里土阜無石高數丈舊有蔣子文廟

瑯琊山 州南十里元和志晉伐吳命瑯琊王伉出涂中駐此故名崔祐甫寶應寺碑晉元帝初爲瑯琊王避難回翔之地王禹偁云元帝以瑯琊王渡江嘗駐此山故溪山皆有瑯琊之號山谷深七八里下有瑯琊溪謂之醴泉唐大厯中刺史李幼卿始鑿石引泉作禪室琴臺賦詩刻石及宋王歐二守相繼賞詠而名益著有瑯琊洞歸雲洞明月溪紫微白龍六一庶子諸泉其南阜曰雞頭山

龍蟠山 州南十三里山皆峭壁立石爲門上有虎跑泉桃花湖偃月洞洞側多名賢題詠石刻

豐山 州西南五里梅摯豐廟記山在滁治之西南盤互雄偉出瑯琊諸峯上天欲雨則雲氣覆山巔若巾帽然歲倚以豐故名諺云豐山著帽豐年之兆上有漢高祖廟世傳豐沛人嘗居之祠禮甚謹唐十道志滁州有豐亭山疑卽此山北有幽谷地窪下四圍皆山昏旭異態歐陽修建豐樂亭於上記所謂其上豐山下則幽谷是也

牛頭山 州西四十五里兩峯峻起形如牛頭與障子山相連下爲梁村澗又有金山黃牛山皆在州西四十里

石屋山 州西四十八里牛頭山北上有石屋後有龍寶洞深十餘丈

曲亭山 州西六十里一名皇甫山隋志清流縣有曲亭山世傳南唐皇甫暉禦周師屯兵於此又名寺基山西北爲大山山嶺有田七區曰仙人田有洞曰仙人洞有澗曰曲亭前澗清流山 州西北二十二里南唐置關地尤險要宋太祖擒皇甫暉姚鳳於此又西北有石駝山其上有關曰北關自此而北羣山列峙溪澗環錯爲州屏蔽

孤山 州西北三十里荻港在焉又臨紅沙澗

皇道山 州東北十七里李漬荇谿記云秦始皇道經此山故名其下有秦皇塘

馬鞏山 州西南三十里北數里爲尖山接全椒縣界

覆釜山 全椒縣治北城跨其上爲縣治主山

南岡山 全椒縣南二里山勢自西來連亙數十里至此益高

卷之三
二
登還縣治爲形勢稍西曰黑龍山登山俯瞰井邑一覽皆盡下有黑龍泉

九圍山 全椒縣東南二十五里州志云卽陰陵地也括地志項羽走至此與漢兵一日九戰因名竇宇記一名隱陵山今山石猶有磨刀礪鏃之跡

武山 全椒縣東北十里有梁王城及廟疑因梁武帝得名也又北爲焦林山劍舞山

車蓋山 輿地紀勝在全椒縣西北十五里形如車蓋

花山 全椒縣西北二十五里攢峯疊嶂如花瓣然北界滁州桑根山 全椒縣西北四十里竇宇記梁立南譙州在桑根山之西宋王德敗金人於桑根山卽此相連爲石樓乳山雙石高峙狀若岑樓背山面溪景物幽邃九域志桑根山下有三隱山

南隱中隱北隱相去各十餘里皆古隱者所居

馬牽山 全椒縣西北五十里有仙人洞由石門緣磴而下深廣數丈泉乳細滴結爲石盤其前十里爲龍檜山其右爲臥龍山

石臼山 全椒縣西北八十里下有石梁潭

火蓬山 全椒縣西北八十里下有白陽湖沿沙澗諸水

神山 全椒縣西三十里有洞曰石門洞亦曰神仙洞極深廣常燥不溼又西南曰蘇山又西南曰袁子山

北獨山 全椒縣西六十里峯巒特起不與眾山相接上有漢高祖廟及石塔

銅井山 全椒縣西七十里縣志作五十里隋地理志梁載言十道志

皆云縣有銅官山上有銅井廣數十丈蓋前代採銅處也新唐

壽陽州有劍防官自此

五湖山 來安縣東北十八里下有五湖因名一名白禪山以山北有白禪村也在縣境爲險要由盱眙取道於此

踏青山 來安縣東北六十里昔時居民繁盛爲春日宴遊之地

西龍山 來安縣東二十里與六合東龍山對峙勢頗高峻上有龍王廟

三山 來安縣東二十里與天長接境山有三峯排列下爲孔道

八石山 來安縣西南十三里又名八仙山卽淮南八公憩息處

烏龍山 來安縣西南十八里宋紹興初縣多虎有石尉者立

茅司徒廟於此率兵捕逐之害遂除下有黑龍泉山石寶阜潦無盈涸

嘉山 來安縣西四十里上有龍王廟及石刻西北卽盱眙縣境

練寺山 來安縣西北二十五里山側有孔雀寺寺東有地名浮林上有浮石高百餘丈下有泉甚清冽

蓮荷山 來安縣西北三十五里山巔有池宜蓮因名

網鴈山 來安縣西北六十里

烏石山 來安縣北二十餘里又有舜洞州志烏石山厥土黑伏牛山 來安縣北三十里相近有梅子山州志伏牛山延縣遠互而不截業望之如伏牛然故名

石固山 來安縣北三十五里羣山盤互此山獨高三面險峻

惟南麓差可登陟朱紹興閒居民避寇其上疊石爲城遺蹟尙存

礬山

來安縣北

縣志作西

六十里產石爲礬下爲長溝水又十里

爲馬頭山

馬嶺山

來安縣北九十里來安水出其下

永陽嶺

輿地紀勝在州北三里

鎮山嶺

全椒縣西七十里眾山連屬與合肥定遠兩縣接界

府城岡

全椒縣西十里岡阜縣互爲廬州府往來孔道

石樓乳

全椒縣西北十里與桑根山相連雙石高聳狀如樓

閣背山面溪萬物幽邃

滁河

州東南六十里自廬州合肥界東流入至全椒石潭與

襄水合東南至三汊河會流經六合瓜步達於江水經注滁水

出逡適縣唐六典淮南道其大川有滁肥

清流河 州東二里一名北角河源出州西清流沛繞州治至

烏衣東與來安水合入於滁河

沙河 州北四里州志作西一里一名紅沙澗自來安縣界凡州西北

諸山溪之水合焉至州城東達於清流河又有小沙河源出側

菱山經州西十里注於石澗澗中有巨石生水底每春夏水

石相激澎湃有聲

瓦店河 州西北三十五里源出定遠縣界東流入州境合曲

亭澗水又東入清流河

白茆河 州西北四十里源出清流沛下與瓦店河合至蒲衝

與盈福河及來安嘉山河合入清流河

盈福河 州西北四十里源出臨淮縣石版灘東南流入州境

又東南合瓦店河

南湖河 州東三十五里源出來安縣界流經州東舊作四十里分

二流一西南流匯來安水入清流河一東流爲白禪河又東注

爲王婆蕩達滁河

龍尾河 來安縣東門外源出普潤塘會來安水入水口河

蔡湖 全椒縣南十里相傳南唐築城湖側鑿湖蓄水以禦周

師今居民引流以資灌溉

鄧湖 全椒縣西南三十里下流通滁河北魏置鄧縣於此

瑯琊溪 州南十里源出瑯琊山東流入清流河

明月溪 州南瑯琊山側宋王禹偁有詩

菱溪 州東七里源出永陽嶺下經皇道山又東南會瑯琊溪

至沙河注於滁河本名荇溪宋歐陽修菱溪記淮南人諱楊行

密嫌名故以苻爲菱

襄水 全椒縣北境源出石臼山北自賀椿澗至多螺澗凡十六水皆入焉至石潭會於滁河

來安水 來安縣東三里源出馬嶺山東南流至來安村又東南入州界會於清流河

吳沛水 來安縣東南二十五里有二源一出西龍山一出大石乳合而東南流經赤山湖又東南流入六合縣界達滁河
獨山水 來安縣西北三十五里源出盱眙縣界南流合秋沛水入州界達清流河

雙源沛水 來安縣西北二十五里有二源一出盱眙縣招信界嶺下一出練寺山二水合而南流入州界注清流河卽紅沙洲之上源也

大石塘水 來安縣西北二十里源出大迪山南流三十里至縣南又南流爲仇沛水入州界達南湖河

柏子潭 州西北隅水甚深上有五龍祠禱雨頗應

六一泉 州西南七里醉翁亭側傍有石泓泉涌甘如醍醐瑩如玻璃又名玻璃泉

紫微泉 州西南豐樂亭下一名幽谷泉宋歐陽修寄謝絳詩曰滁陽幽谷抱山斜我鑿清泉子種花

庶子泉 州南瑯琊山以唐庶子李幼卿得名宋王禹偁有詩又有白龍泉歲旱禱雨輒應

楚迷溝 全椒縣西南有渡輿地紀勝在縣西南二十里相傳爲項羽迷失道處

西湖 州西俗名烏土河唐韋應物有滁州西湖詩揮塵錄宋

太祖入滁以兵浮西澗卽此

桃花澗 州南十七里源出龍蟠山麓之虎跑泉入清流河

府城澗 全椒縣西五里又白汪澗去城三里合流過董沛入

襄河

查澗 全椒縣北源出花山其南有楸塘澗源出楸花潭並南流入襄河

賀橋澗 全椒縣東二里源出縣北蘆陂東南流入襄河

虎子澗 全椒縣東北三十五里源出黑石乳入滁河寧宇記

漢劉平爲令虎自全椒渡江卽此因名

眞珠泉 州西三十里遊側菱山者或鼓掌泉卽濺射如珠故

名

銅井 全椒縣西北五十里廣十餘丈深不可測明統志舊於

此采銅有魚出其中其色如金

按銅井山已見上文

和州

歷陽山 州西四十里三國志注江表傳曰歷陽山石文成字謂之石印故改天冊爲天璽元年

白雲山 州西北三十里有石洞名龍泉四時不竭能興雲雨每雲起英英連山故名一名鳳皇山

九龍山 州西北三十里九峯列嶂中抱大壑如龍蟠又名龍關山其前曰闌龍山臨歷湖背負九龍山而翼其前故名闌龍雞籠山 州西北四十里下盤縣巒上冠巨石縱裂棱摺狀若蓮花爲一州奇勝高數十仞斷磴縷鐵引以登巔顚視羣山無敢並者杜光庭所謂第四十二福地也賀鑄詩注云昔城將淪沒神告一姥使西走姥攜雞籠登此化石今有石狀如雞籠因

名

斗峴山 州西四十里一名斗峴山亦曰斗陽山舊置關於此山之西麓曰小斗峴

峨嵋山

州治西北城跨其上

江南通志明嘉靖時改連雲觀爲峨嵋書院

如方山 州西北六十里舊名六合山梁武帝嘗遊此以山形四面方正如金陵之方山故名西嶺巨石巉峙曰獅子巖石潭水碧如染曰金牛井

烏石山

州西北六十里兩山夾道中多黑石

東華山 州北上有老君臺相傳老子煉丹處唐劉禹錫詩有上臺遊柱史之句

八公山 州西半里許山僅培塿相對舊傳有八仙人圍棋會飲於此因名張祜詩山揖仙風對八公蓋一郡勝槩也宋開禧

中州守周虎克敵嘗築京觀於此

夾山 州北五十里障空補缺隱如金城實一方之阨塞也中

有夾山關

四潰山 州北七十里又名四馬山項羽既敗垓下走東城所

從僅二十八騎漢兵追者千人乃引騎依山為陣羽兵四面馳

下潰圍斬將而出以此得名又北十里曰陰陵山山小多石即

羽迷道處上有刺鎗阮遺蹟按漢書九江郡縣有陰陵東城今

羽潰圍馳下當在其地今江浦縣和互載按江浦在定遠東縣

和在南與西壤地相接山川連跨據南畿等志云二山在和州

北七八十里在江浦西六七十里而史記正義亦云九關山在

滁州全椒西北皆屬定遠邊界地又按東城漢書音義云縣屬

臨淮南畿志云烏江漢東城地則羽死烏江即東城也陰陵東

城舊縣今廢二城之在定遠亦猶襄安開成二城之在無為州

云爾以上

並江南通志

赭樂山 州東北五十里一峯亭亭秀出相近有北大山山勢

高聳一名北山

梁山 州南六十里矗立江干與東岸太平府之博望山對峙如門南朝謂之天門山亦曰西梁山梁王僧辯破侯景將侯子瑩兵陳霸先遣侯安都等立柵以備江州刺史侯瑱俱在於此山頂有城王元謨所築六朝建都金陵皆以此爲要害之地屯兵駐防焉

豐山 州西南三十里崇岡繚阜紆複蜿蜒周數十里

含山 含山縣西南三十里崔巍雄峻羣山列峙勢若吞含唐因以名縣又名橫山

斗陽山 含山縣西四十里山麓屬縣境山巔屬巢縣界上有

斗陽關

互詳廬州府

牛頭山 含山縣西北三十里山產煤明正德以來居民采以

爲業

蒼山

含山縣西南三十里

縣志作二十里

山勢峻拔上有泉曰白龍

潭相傳昔陳希夷曾隱於此山多產桑一名桑山潭側產茶更爲佳品

龍洞山

含山縣西南五十里山洞幽深泉流涓涓由魯橋潤

通銅城牖入江洞中有小蛇青質赤章歲旱取其水禱雨輒應
濡須山 含山縣西南七十里與巢縣七寶山對峙中有石梁
最爲險阻三國時吳據其東築濡須臨以拒魏謂之西關魏據
其西立關以拒吳謂之東關亦曰魏關

黃稻山

含山縣南十五里西接鹿宕山山半爲圓通寺寺門

有銀杏二株大數十圍相傳爲唐時物

石門山

含山縣南二十里雨山對峙石壁峭立如門中有谷

道十里通商旅往來縣志西名木瓜東名馬石

太湖山

含山縣南七十里

縣志作六十里

奇峯十餘削立秀挺狀若

立戟登其巔則大江九華如在几席其側有鼓山上有寺舊名
大徹禪院康熙四十四年

聖祖仁皇帝敕賜詮真寺額

白石山

含山縣南八十里唐書地理志歷陽有禱應山本白

石山天寶六載更名列仙傳云歷陽有彭祖石室今山下有洞
初俯僂而入約十步乃漸高曠莫知遠近卽彭祖所居之室道
家謂之第二十一洞天又有二石龍鱗鱗悉具產鍾乳石燕石
室卽長真觀唐大歷中道士商棲霞居之宋靖康建炎閒葛長
庚亦數游此

梅山

含山縣東南五里一名棲隱山舊多梅樹其相近者爲

龍角山以兩峯尖聳而名

大峴山 含山縣東北十三里一名赤餞山上有大峴亭齊末

裴叔業叛壽陽蕭慤據大峴拒之

天公山 含山縣北十里諸山之脈皆發於此爲縣主山

褒禪山 含山縣北十五里舊名華山以唐貞觀慧褒禪師得

此名上有起雲峯龍洞羅漢洞龍女泉白龜泉寺後有石塔石

刻二大字宋張孝祥書又北三里曰華陽山一名蘭陵山前後

有二洞附宋王安石褒禪山記褒禪山亦謂之華山唐浮圖慧

其後名之褒禪今所謂慧空禪院者褒之廬冢也距其院東五

里所謂華山洞者以其爲華山之陽名之也距洞百餘步有碑

仆道其文漫滅聞其爲文儒可識曰花山今言華如華實之華

者蓋音謬也其下平曠有泉測出而記遊者甚眾所謂前洞也

由山以上五六里有穴竅然深入之寒甚問其深則甚好遊者

不能窮也謂之後洞予與四人擁火以入人之愈深其進愈難

而其見愈奇有怠而欲出者曰不出火且盡遂與之俱出蓋予

所至比好遊者尙不能十一爲視其左右來而記之者已少蓋

其又深則其至又加少矣方是時予之力尙足以入火尙足以明也既其出則或咎其欲出者而予悔其隨之而不得極夫遊之樂也於是乎有歎焉古人之觀於天地山川草木蟲魚鳥獸以往往有得以其求思之深而無不在也夫夷以近則遊者眾險以遠則至者寡而世之奇偉瑰怪非常之觀嘗在於險遠而人之所罕至焉故非有志者不能入也有志矣不隨以止也然力不足者亦不能至也有志與力而又不隨以怠至於幽暗昏惑而無物以相之亦不能至也然力足以至焉於人焉可譏而在己爲有悔盡吾志也而力不能至者可以悲夫古書之不存後世之謬乎此予之所不得也予於仆碑又以悲夫古書之不存後世之謬其傳而莫能名者何可勝道也哉此所以學者不可以不深思而慎取之也

小峴山

含山縣北二十里

縣志作十五里

一名昭關其西有城山兩

山峙立爲廬濠往來之衝宋紹興間張浚因山築城置水櫃以

遏敵

仙蹤山

含山縣北五十里一名金亭山卽廬州府東之黃山

有三百六十峯道書目爲第十八福地者也

互見廬州府

東關嶺

含山縣西北十五里

黃墩 含山縣南九十里裕溪河三面繞流元末趙普勝屯兵於此

大江 州東南自廬州府無爲州流入又東北入江甯府江浦縣界寔宇記江水自州城北下經烏江縣東五里與上元縣分中流爲界九域志歷陽含山烏江三縣皆有大江江防攷大江上接無爲州下接應天府凡百一十里與太平府中流分界江流自西南繞而東北故昔稱和州爲江西禹貢雖指江水北逕當塗縣西其對岸則和州大江在州東南上有梁山

柵江 州西南百五十里與無爲州分中流爲界卽古濡須口吳魏相持處宋南渡後置寨

橫江 州東南二十五里南直采石磯漢建安初孫策破劉繇將樊能於橫江隋韓擒虎平陳亦自橫江宵濟

開勝河 州西門外亦名新河上承含山縣東流至城西通橫江河又東流達大江

瀛溪河 州西一里源出金泉山縈紆繚繞其流雖細而冷然可愛

橫江河 州南一里許經當利驛前入江宋史開寶八年用轉運使李符策發州民鑿橫江河以通漕運歲久淤塞明正統初知州朱沅濬之復於河口開小河出江以便舟楫

太陽河 州南二十里由歷陽湖經戚家橋入於江

姥下河 州南三十里由歷陽湖經黃梁橋入於江宋乾道初鑿

牛屯河 州南四十里發源巢湖由桐城牯東流至州境入江與南岸牛渚磯相對孫策攻劉繇牛渚營晉譙王尚之破庾楷

於牛渚皆此

裕溪河 州南九十里源出巢湖自無爲州流入州境東南入於江明初元將蠻子海牙帥舟師截采石退屯於此明祖隨命康茂才戍守裕溪

石拔河 州東北三十里河開自宋太守胡昉磯石上有張果廟石閒驢蹟宛然如新拔者命名之義本此水由大江支流匯於州東之浮沙河入江浮沙河口五里曰鍼魚觜產鍼魚他水所無或云地本名徵儒以明太祖駐此聘陶安諸儒對面有思賢港今訛爲鍼魚私鹽也

芝麻河 州東北四十里舊傳項羽於此止馬名止馬河俗訛爲芝麻又東北十里爲穴子河

後河 州北七十里發源仙蹤山經含山縣入州境過六合由

瓜步口入大江

銅城牐河 含山縣東南六十里自新裕河分流東入本州界
輿地紀勝有銅城堰在歷陽縣西南六十里分屬歷陽含山兩
縣周迴幾百里散注田三千頃州志新裕河至銅城分流至牐
口又分爲二一支東出爲牛屯河一支南出入三汊河

運漕河 含山縣南八十里河南乃無爲州地水通巢湖納廬
和諸境之水以達於江侯景之亂梁王僧辯軍次蕪湖景將侯
子鑒屯兵梁山以捍漕運故名今其河實爲漕艘運道又有斗
米徑水舊經云歷陽聚李子建當隋末欲開路運糧子建請於
東關下開溝入歷湖人各齎米一斗就工米盡徑成故謂之斗
米徑水在縣西南八十里

觀音橋河 含山縣南一里一名縣河自縣西北諸山澗之水

匯流至城西合清江斷淵而流始大可通舟又東至和州入大江

歷陽湖 州西三十里淮南子歷陽之都一夕爲湖唐劉禹錫所謂一夕爲湖地千年列郡名是也一作麻湖相傳未陷時有老姥先見於夢今湖濱有神姥廟明永樂中湖水涸議堰爲田凡三萬一千二百餘畝至景泰二年始成然地勢平衍水難驟泄每逢雨潦往往多淹沒之患

豐湖 州西十五里受麻湖水由當利驛港入江明永樂中議置爲田凡一萬七千五百餘畝其利病如歷陽湖

韋游溝 州東北接江甯府江浦縣界唐書地理志烏江縣東南二里有韋游溝引江水至郭十五里溉田五百頃開元中縣丞韋尹所開貞元十六年縣令游重彥復治之民享其利因以

姓名溝

千秋澗 州西北宋史河渠志淳熙十二年和州守臣請於千秋澗置斗門以防麻湖豐湖之水洩入大江歲旱可藉灌溉興地紀勝澗在歷陽縣西北十七里

清溪 含山縣西南三十里受三澗水經亞父山而南入於江新裕港 含山縣南八十里港口昔有孝婦居此名新婦港訛爲新裕流合濡須入柵江

濡須水 含山縣西南七十里卽濡須山之水會清溪至柵江口同入於大江吳諸葛恪於此築大隄遏巢湖魏兵至將壞其隄恪率四萬眾破之卽此

龍潭 州城牖西方廣數百尺闇黑幽深有漁者網得鐵索至舟滿不絕大駭而止

石牛潭 含山縣南一里潭中有石如牛狀

當利浦 州南十二里東漢劉繇遣其將張英屯當利口以拒袁術卽此晉王濬平吳所謂風利不得泊亦此處也

烏江浦 州東四十里卽亭長艤舟欲渡項羽處晉始署爲烏江縣今故址尙存

洞浦 州南臨江亦江浦之別名也三國魏志曹休傳休擊孫權大將呂範於洞浦破之晉書譙王尙之傳桓靈寶至姑孰遣馮該等攻歷陽斷洞浦焚尙之舟艦胡氏通鑑注洞浦在歷陽江邊今無攷

香泉 州北三十五里其水色深碧沸白香氣襲人故名浴之愈疥一名平疴泉梁昭明嘗浴於此故又名太子湯

馬跑泉 含山縣北十五里卽昭關山縣西清江斷澗入縣河

三石泉 含山縣鹿宕山三石竅嵒剴然斧劈古藤樛木叢生其巔石下流泉冬夏不見涸溢

廣德州

萬桂山 州治東南學宮後上有凌雲峯

橫山 州西五里唐書地理志廣德縣有橫山明統志高出羣山四面望之皆橫州之鎮山也巔有龍潭宋天聖中郡守梅詢建龍王廟於潭畔山半有攀蘿亭西南麓有張公祠祀漢人張勃唐天寶中賜名祠山

西巘山 州西五里俯臨清流環注山足相近有小芝山光景酷類萬安芝山故名小芝

白茅山 州西四十五里上有朝陽菴梁普通時建有鐵佛古井

大

州志作太

首山

州南八十里

州志作九十里

南畿志山最高峻上有一

井恆見龜魚出沒其中州志引左傳注桐水出縣西南白石山

謂卽大首山也

丹井山

州南十里文獻通考廣德縣有丹井山明統志相傳

徐真人於此煉丹丹井尙存

竹山

州南十五里南畿志眾山羅前極松竹泉石之勝絕頂

有二亭曰巢雲流玉其相近者有方山山勢紆迴下有方侯祠

山口兩峯對峙若二柱然

仙石山

州南二十里南畿志山下有石高二丈許坦平可履

世傳有異人月夜獨立其上遺蹟尙存

筭山

州南二十里三峯拱峙山形如髻故名南畿志一名雞

籠山

石雲梯山 州南三十里南畿志乾溪山西高百餘丈有石級可升

鷹觜山 州南三十里南畿志其山特峻絕頂一石卓立高十餘丈如鷹觜下有深窟容百餘人

馬鞞山 州南五十里南畿志周圍七十里巔有大石如馬鞞金雞山 州南六十里山巔石洞廣五六尺舊傳晦夜有火光現洞中或又見有金雞翔集

靈山 州南七十里中峯有靈山寺上有解慍臺山夾水流出爲珠簾泉丁公潭雲錦泉兩巨石對峙名支機石梁橫亙瀑布數十丈垂石下注爲一州之勝

尖山 州南七十里白石巉巖一峯高秀如筆石上有水一泓不涸不溢又南十里曰桐山一名白石山桐水出焉

乾溪山 州東南三十里山峯卓立一溪繞其下水涸時白石粲然故名乾溪又名簾幙山

義蒼山 州東南四十里雲峯環抱碧澗中流竊深奇峻號爲義蒼洞天

石壁山 州東南三十五里石山陡峻溪流環繞義蒼子有絕壁飛湍四大字刻於石

石婦山 州東南五十里明統志一石高二丈許如婦人狀藤蘿縈繞獨露其面樵者不敢采舊傳有謝氏女貞潔有守登山而化爲石

石鼓山 州東南五十里明統志舊有巨石如鼓天陰則鼓自鳴

青山 州東南六十里孤峯峭立圓若青螺相近爲桃花山

多桃花唐以此置桃州

五花巖山 州北七十里橫列五峯其峯最高峯頂有白佛祠石壁上刻唐天寶年月相近有長樂洞洞內廣數丈深不可測其中復多潭洞石乳融結千態萬狀又有石鼓以杵擊之有聲有窮其深者備歷險阻至水深烜滅而止

巖頭山 州西北四十里兩山屹立如關中夾一溪州之水悉匯此入建平

鎮山 建平縣南五里邑之案山也森布羅列若樹屏翰

大巖山 建平縣南七十里巖石崔嵬峯巒層出有池冬夏不竭山下有泉曰妙泉

大磊山 建平縣南八十里羣山拱峙一峯特起山頂有三石如磊字

鴉山 建平縣南九十里南畿志上有一石高二丈許有圓石百餘俗呼爲彈子石山產茶舊常入貢宋梅詢有茶煮鴉山雪滿甌之句又有仙人釣臺南接甯國界

赤山 建平縣西南七里下臨清溪

烏雲山 建平縣東北二十五里土人以雲氣占雨

鳳棲州縣志並作居山 建平縣東北三十里世傳曾有鳳棲其上

大濤山 建平縣東北三十五里懸崖峻絕松風如濤

伍牙九域志作芽山 建平縣東北四十里與地廣記伍員伐楚還

吳經此建牙故名舊有子胥廟

大溪山 建平縣東三十里桐水所經

獨山 建平縣東三十五里與大濤鳳棲二山相近

金牛嶺 州東北七十里四面重山中一嶺長互十五里

石佛嶺 建平縣南七十里南畿志有三石形如佛

峽子嶺 建平縣南八十里與宣城縣接界又青苔嶺懸巖千仞其下有清潭

桃姑洞 州東北五十里洞門在半山內數洞相通至第七洞頂有一竇日光透映俗呼天井

荆山洞 寔字記在縣東北五十里與地紀勝有馮家洞在先春門外七十里又名荆山洞名勝志荆山洞卽馮家洞州治有大洞在州東北六十里一名長樂洞洞口如夏屋四五間可容千人一徑斜入有石燕羣飛乳泉滴瀝神人佛像碁盤鐘磬之屬皆白石天成崖下有潭深不可測相傳與太湖相通卽荆山洞也

東亭湖 方輿勝覽作東湖

州東三十里一名浴兵池廣五百餘畝產

廼腸魚又有塔湖周三里

南碕

九域志作碕

湖

建平縣南四十里文獻通考建平有南碕湖

南畿志廣德州建平之水皆匯於此北入丹陽湖俗呼南湖

互詳

甯國府

玉溪 州治西門外環繞州城如帶北入碧溪

大源溪 州西南百里明統志自甯國大陶山經州界流入南

碕湖

橫梗溪

州南三里匯諸山澗水西北流繞西巘山下北流合

於桐水

桐水江南通志作玉溪

鯉洪溪 州東南二十里源出石鼓山分二流復匯於此西北

合於桐水

碧溪 州東三十里源出義蒼山西經中丞里波瀾滌迴澄澈

可愛古木芳洲掩映入畫

郎溪 建平縣治前源出桐汭諸山之水合流而匯於南湖

三峽溪 建平縣西南二十里匯南境諸澗水西流至縣西南

二十五里曰蘇大溪又西流入南碕湖

北溪 建平縣北十里匯諸山澗水東南通縣北三里之清澗
又東瀦爲浮湖塘引流灌漑

袁邨溪 建平縣南八十里其地產麻入溪漚則潔白

桐川水 州西北二十五里左傳楚子期伐吳至桐汭杜預注
廣德縣有桐水源出白石山西北流入丹陽湖卽此亦名白石
水

九斗川 州北七十里源出五花巖山匯諸山澗水紆迴盤折

九曲如斗西北流經建平縣界匯於郎溪

白石澗

建平縣東南上接桐川下合郎溪

馬履澗

建平縣東北三十五里俗傳伍員伐楚經此

不老泉

州南四十里大旱不竭有古碑刻泉名於上

沸泉

建平縣東十里水味甘美冬溫夏涼

白馬聖井

州東六十里石潭方如井冬夏不竭

重修安徽通志卷三十三

輿地志

山川十

六安州

番山

州南十里

州志作二十里

山非高聳而蜿蜒磅礴爲州之鎮

小霍山

州南五十里一名青山以遠連霍岳之脈故名

大小同山

州南五十里山勢峻削僅通樵徑兩山相似故云

有蝙蝠巖昔人避兵於此

國山

州南七十里下臨淖河蒼翠孤峙

董靖原山

州南百二十里從石徑轉入原勢平敞宋里民董

靖避兵處

九公山

州西南六十里

州志作七十里

隋志開化縣有九公山寰宇

記山有九石柱似人形故名元末鄉人避兵於此寨陟尙存其西有松林巖亦名嵩寮巖最深秀產蘭

齊頭山

州西南七十里

州志作九十里

一名齊雲山高千八百丈層

巒聳翠頂方四平有泉出焉上有雪峯山麓有水晶菴石泉井雷公洞魁星崖諸勝蹟巔有寶誌公道場

障山

州西南二百四十里

州志作一百四十里

形如屏障故名其相近

有帽頂山界河南商城縣

汪家山

州西南二百六十里高千餘丈山勢峭拔中有石巖

甚深廣

武陟山

州西三十里山有峯如五指爲六安之面山相傳漢

武帝南巡登陟於此故名宋時本州人焦炳焦煥讀書其上

響山

州西九十里其中空洞鐘磬有聲

寨基山

州西百三十里

州志作一山極高峻產茶香色異常

品有泉出石竇甚甘向東巉石相距如門一夫可守元末曾置寨於此今爲寺旁有播鼓尖

東西蓮花山

州西百五十里兩山對峙產石蓮花故名

石屋山

州西二百里石穴似屋故名

劉五郎山

州西二百五十里高二千八十丈峯巒聳翠聯絡

諸山

獨山

州西七十里地平曠一峯獨峙舊有武皇祠祀楊行密

今爲寺梁淮南招討使王景仁攻廬壽會戰此

祖家山

州西南百二十里世傳宋紹興間有祖興氏禮義傳

家世居於此又西南二十里有山高九百丈林木茂密宋文風

氏居之上有砦名文家山

龍穴山 州東四十里一名龍池山上有龍穴其水張又新品
爲天下第十泉卽歐陽集古錄所謂張路斯鄭祥遠二龍君戰
處宋汪立信讀書於此其地今建廣福寺

洪家山 州東南七十里有寨四圍石崖險峻宋紹興中有洪
氏率里民保聚此山

九龍山 英山縣東八里山半有雨淋崖禱雨立注又東二十
里有廣福山

英山 英山縣東五十里山高峯秀爲羣山冠縣以此名上有
井出雲土人占其彩色以卜豐年下有漢英布墓

密峯尖山 英山縣東南三十里山峯錯列以形似名

三吳山 英山縣南三十五里上有仙人臺宋末鄉人段朝立
設堡於此又縣南二十里有崇山

雞鳴山 英山縣北二里爲縣鎮山亦名鴈山宋濬祐中制置使吳淵於此立砦

得勝山 英山縣西門外明洪武中邑令禦寇於此有功故名向有砦

杏山 英山縣西五十里據河而立有仙人臺隔岸對峙

天人山 英山縣西七十里縣志作北三十里險峻有天人砦

多雲山 英山縣西百里縣志作百二十里接羅田界上有九井上三

井人不能到中三井祈雨每驗下三井有風井誤祈此井則狂風震地井中嘗出雲氣爲縣境諸山之最險者其西有峻嶺通

湖廣之蘄水

羊角山 英山縣北四十里縣志作六十里絕頂有石嵯峨如羊角

林關山 英山縣東北七十里周四十里

樓子山 英山縣東北七十里上有寨又縣東北八里有天路

山與霍山縣界

石人山 英山縣東北七十里縣志作五十里其第一峯有石如人立

崖下有洞又縣東北九十里有紫臺山一百里有大陂山

霍山 霍山縣西北五里縣以此名一名衡山亦名南嶽又名

天柱山漢武帝南巡以衡山遠阻移祭於此餘詳見安慶府附

唐皮口休霍山賦臣曰休以文為命士所至州縣山川未嘗不

六年至壽之驛邑曰霍山山故嶽也邑贅於趾至之二日離邑

一舍望平將頌之文也及見之則曰平輟手乎輟心乎疎神

平音始欲狂其文寫其狀如丹青之不差也頌其風文其謠如

金石之永播也既而其精法然博敏躁然成因紛然勞絲悅然

墮空浩然陟溟幽然久狀則知才智之劣如毫而加疾將杖而

奔者於戲霍山之驛哉霍山之靈哉將闕於神而愚之耶抑有

所達而託之耶其辰既決其精忽淪快然而勝躁然而適紛然

而靜慨然而安浩然而濟幽然而愈如壯而能決將陣而能敵

者於是狂其文寫其狀辭曰太始之氣有清有濁結濁為山峻

清為嶽其山厥臣其狀為君惟南之鍾曰霍為尊嶽之大與地

角壯與天勢荆豫華嵩青沂兗岱如垠而秀如塊而銳嶽之高千仞萬仞蒼蒼茫茫日月相避其光望之數百里外爲天棟梁嶽之尊端然御極然其勢如駟其勢如枝其指若卑其儀若肅其位如君之殺其屬者如駟其勢如枝其指若卑其儀若肅其位如之氣其秀爲春其清爲秋其舉如雲雲不能麗其色如煙煙不鮮若雨收氣爽丹靑滿天嶽之靈其神不昧其報如響若雨用淫嶽能助之若歲用旱嶽能澤之豈之德生之育之煦之和之開蕪染草淩淩迷迷漢續數百里之形有雲爲其地如裂嶽之有泉烈烈其來如決叱豐隆奔列缺轟然霹靂天地俱裂嶽之異狀其勢如危或不可支若不可列或不可維或不可仰而西有如拔有石如履地其曉而東有如貫日其暮而西有如孕月有水而脈有石如骨有洞如腹有罅如節或銳而厲或纖而不可得詳而馳或低而折其經之怪之詳之詭之千種萬類繁不可得詳記因神狂不能自主急而寐夢一人絳衣朱冠怪貌魁形曰余祝融之相也夫霍山君之故治也爾賦之誠形矣勝貌魁形曰余矣然義有不備帝俾余蒞夫古有五嶽霍居其一所以五嶽相通者唐虞之帝五載一巡狩夫古有一載而徧上以觀侯有治者陟不治者黜民有冤者平窮者濟泊店虞以下存民侯於霍我帝用饗其禮至周且冊而命我與諸嶽星列中國自漢之後乃異我號而歸於衡故祝融遷都余守霍今聖天子越唐邁虞而廢巡罷狩余之封內有可黜可陟可平可濟者是以歸於我請子無由知之爾能以文請執事之廷者易衡之號以歸於我請曰有衡既遠有狩必勞惟霍之邇斯號可復賦者有能言胡不

作神命既覺而書鳴呼異哉

鳥梅尖山 霍山縣西北三十里兩峯多產梅北峯下有雷公洞作霧卽雨有雷公斧蹟產茗絕佳

馬鞍山 霍山縣西四十里又名祥雲砦峯巒奇秀爲諸山最

按州志馬鞍山有三一縣西北八里一西南七十里一西四十里

三迴山 霍山縣西南二十里又名三曲山中有小港縈迴三折山勢隨之東北有梅子嶺多產梅

四十八盤山 霍山縣西南百二十里山徑曲折行旅負荷者屢息而後進凡四十有八盤

白石山 霍山縣南五十里山皆白石上有摩旗尖又南十里石四望山高一千八百丈登其頂宜遠眺

甄家山 霍山縣南七十里相傳元甄氏女入此山得道立石

飛昇

鐵爐山 霍山縣南九十里俗傳仙人煉丹處鼎爐之趾猶存
今居民多於其下爲鐵冶鑄農器

多智山 霍山縣南與安慶府桐城潛山兩縣接界隋書地理
志開化有多智山寔字記淠水源出此

東西石門山 霍山縣東十里兩石門相對中有狹徑通人行
復覽山 霍山縣東二十里相傳漢武帝南巡還復登此顧瞻
天柱因名

指封山 霍山縣東三十里相傳漢武帝南巡見其峯巒峻拔
乃指而封之爲霍山之副

仙女臺山 霍山縣東南五十里有大石突出如臺人莫能登
通光山 霍山縣東北十里山有石竅漏光如月故名又有月

三才圖會卷之三
三
魄山在縣東二里與通光相似

聖山 霍山縣東北十里石壁奇峭勢如欲壓壁間有巨人掌蹟隋志廬江縣有聖山卽此今土人稱爲聖人山

灣臺山 霍山縣治威遠門外五里其山純石旁鑄小赤壁三字

六安山 霍山縣西三十里四圍險峻如城有寨四門古多避兵於此

挂龍尖山 霍山縣西五十里上有飛泉瀑布遙望如龍故名
陶成忠山 霍山縣西八十里

雪峯嶺 州南七十里石上鑿佛像以千計中峯禪師舊蹟也
古路嶺 州西百五十里盤回三十七折始達其上

遮日嶺 州西百八十里山高徑深亭午方見日影土人呼爲

背陰嶺

韓婆嶺

州西二百里界河南商城又西二十里有清風嶺界

霍邱

軒轅嶺

州西南二百四十里

分界嶺

英山縣北一百二十里與霍山縣交界亦名分水嶺

碁盤嶺

霍山縣西南八十里道通英山

楮皮嶺

霍山縣東南四十里居人造紙處

香爐崖

英山縣西五里舊志云有仙蹟亦有龍井祈雨輒應

雕翎崖

霍山縣西南百五十里臨河壁立

七里岡

州西二十五里明正德中流賊趙風子自河南光山

走六安官兵追敗之於此

松林巖

州南八十里亦曰松寮巖松柏蒼翠中有佛子宮酷

暑不熱嚴冬不寒

八仙巖

州南六十里石壁相向其洞有八

元龜峽

霍山縣西三十里世傳大禹所鑿

雷鳴洞

州南百二十里中虛能應雷鳴居人以此候雨

千人洞

州西南百里麻埠之東洞口不甚闊其中孔竇不一

可容二千餘人又有泉流自上而下可資汲飲

龍潭洞

英山縣東二十里其洞深邃懸泉下滴竅石如孟

桃源洞

霍山縣西北五十里有瀑布泉數百丈闊如河又有

龍井三穴禱雨取水輒應

嶮石

英山縣南六十里三縣水口有巨石橫截於河以故邑

中不通舟楫

淖河

州西一名白沙河漢書地理志謂之泚水源出霍山縣

經州界北流經霍邱壽州入淮水經注泚水出霍山東北或作
泝水唐書云朱全忠伐楊行密戰於泝水爲行密將朱瑾所敗
卽此

溶水河 州南七十里源出齊頭山西北流入河南固始縣界
合於史河

青龍河 州西百三十里與三元幢河同入泝水以達於淮
青石河 州西南七十里出紅石崖會於泝水

馬柵河 州東南八十里流經舒城縣之桃城鎮入巢湖

雞兒河 英山縣南五十里發源瓦寺前通嶮流至蘄水入江
英山河 英山縣西源有二東曰東砭西曰西砭皆南流至縣
西南二里合流

三灣河 霍山縣南三十里源出潛山入於化龍河

雙河 霍山縣南六十里又中埠河縣南四十里合雙河同入
潁水又有草場河源出潛山縣界梅河源出羅田縣界下流俱
入潁水

漫水河 霍山縣西南百一十里源出英山縣界東北流至縣
西南三十里爲梅家渡又東北入於潁河距漫水十五里爲陡
山河源出分水嶺亦東北流入潁水

化龍河 霍山縣北門外合流於黑石渡入潁河

北澗水 英山縣南源出馬鞍山西流繞縣治入英山河

尋鱓澗 州西四十里又獨龍澗在州西五十里

逃蛟澗 州西南二百里相傳潁河有蛟爲人害楚公子芊乙
射之蛟去邑人德之立廟以祀

黃溪澗 霍山縣南二十里

虎頭潭 州西八十里潭上有石如虎頭故名

烏龍潭 州西百三十里歲旱取水禱雨時應

憐州塘 英山縣北居民引以溉田名勝志英山縣北有塘延袤數丈相傳與潤州通氣江水漲則塘水滿而下流江水消則塘水淺而不竭

湯泉 有二一在英山縣東南三里許曰東湯泉平地石中涌出一在縣西南三里曰西湯泉居民俱引以溉田

泗州

璧山 舊州治西四十里山形如璧下有璧山湖南通淮一作碧山與重岡山相近州志云以土色碧故名又有粉山出土粉亦在州城西

嶼石山 舊州治西北二十里州志作東南八十里淮水北岸與南岸浮

山相對卽梁天監中築堰處也

九山 舊州治西北八十里州志作東南一百里以有九岡而名北接懷

遠當塗山

柳山 舊州治西北一百三十里上多古柳

重岡山 舊州治西北一百五十里隋重岡城以此得名

車門山 舊州治西一百二十里巉石山之西山下有路通車

相近有峯山上多峯巒又有赤山以土色多赤故名

秦橋山 今州治故虹縣東北二十里有秦氏所造橋下有泉

兩脈分流左清右濁

朱山 今州治故虹縣東北三十五里上有靈祐祠祀梁朱買

臣縣志朱買臣梁元帝時人旁有高堆俗呼爲買臣墓以爲漢

會稽太守者誤也上有聖水泉頗甘南有峯山下有峯山湖北

有馬牽山

盤龍山 今州治故虹縣北二十里上有石蟠伏如龍鱗甲宛然一名石龍山其東卽秦橋山

屏山 今州治故虹縣北二十里列翠環抱若屏一名平山下有屏山湖

鹿鳴山 今州治故虹縣西南三十里相傳明成祖嘗駐蹕其上夜聞鹿鳴故名

四山 今州治故虹縣東北五十里下有四山湖山之西有四山倉今廢

第一山 盱眙縣治東舊名慈石山宋自京師至汴口并無山惟隔淮有此故名有米芾書第一山三大字勒於石又縣治南有清風山望州山皆名勝處

臺子山 盱眙縣東一里劉宋臧質守盱眙以拒魏師魏造弩臺射城中卽此舊有楚義帝廟今廢

盱眙山 盱眙縣東四十里舊名馬輦山唐天寶中改今名東山 盱眙縣東南三里上有石洞左曰靈關右曰劍壁洞中曲折相通

都梁山 盱眙縣東南五十里山多蘭草俗謂蘭爲都梁本草澤蘭亦名都梁香故以名山方輿勝覽隋於此建都梁宮有磬泉釣魚臺

雲山 盱眙縣東南七十里一名東陽山山有龍潭仙人洞其麓有寺蓋舊東陽縣之佳勝也

九頭山 盱眙縣南三十里上有九邱故名又名塘山岡阜重疊溪澗縈紆互四十里

上龜山 盱眙縣西南一里舊有八仙觀及招隱洞洞口有招隱亭北麓有歸雲洞又二里曰寶積山山麓有石刻道德二字又西南爲魯山末山

下龜山 盱眙縣東北三十里下臨淮河寔字記引岳瀆經云禹治水至桐柏山獲淮渦水神巫支祁鎖之龜山之足淮水乃安流入海蘇軾詩所云清淮濁汴爭彊健龜山下瞰支祁宮是也

清平山 盱眙縣西南八十五里亦名青山方輿勝覽作青平山宋紹興間劉澤保聚於此上有黃庭堅詩石刻

紫陽山 盱眙縣西南百里有古浮圖山麓有古淨明寺相傳唐人常於此鑄劍有試劍石磨劍池一名九乳山

嘉山 盱眙縣西南百五十里相傳宋將孟良於此立寨遺蹟

尚存上有龍王廟禱雨卽應

三臺山 盱眙縣西南百五十里三峯鼎立其上平行可屯十萬眾宋建炎間劉綱保聚於此綱劉位之子也元末定遠王弼亦結寨其上

玉環山 盱眙縣西八十里狀如玉環一名女山上有二女廟祈嗣者禱焉下有女山湖

西廟山 盱眙縣西七十里有九江王英布廟縣東南又有東廟山

浮山 盱眙縣西百四十里北臨淮水亦名臨淮山寰宇記在濠州東九十五里俯臨長淮山下有穴淮水汎溢其穴卽高水減卽低若浮於水者濠梁志云浮山洞夏潦不能沒而冬不加高故人疑其浮也南史梁天監中築堰於此以灌壽陽工成旋

決上有靈巖寺名人題詠甚多

按五河志浮山雖在盱眙去五河尤近關鎮風氣捍塞水門實

五河之屏幃盱眙不得而專也天長亦有浮山

陡山

盱眙縣東北五里俯瞰淮河其勢陡峻一名斗山

軍山

盱眙縣東北六里三國志魏邵艾嘗屯軍於此築堰慨

田亦名君山又東北一里曰長圍山魏太武圍盱眙自都梁築

長圍圍城造浮橋於君山截水路卽此

冶山

天長縣南四十五里產紅石舊傳吳王濞卽山鑄兵因

名上有天井白龍池鐵牛仙人二洞眞珠泉諸勝又南十里曰

道人山

覆釜山

天長縣西五十里產黑石而礪相傳周世宗征淮南

嘗駐軍於此

橫山

天長縣東南五十里望之若橫故名上有泉不竭山南

有踟躕山相傳陳荀朗破郭元建處

胭脂山 天長縣舊城西北隅有高阜日光掩映赤色殷然宋包拯改名紅山今呼曰胭脂山

金岡山 五河縣南二里土色純黃形勢尖聳

翠柏山 五河縣西南六里

銅城岡 天長縣西北四十五里舊名大銅山

陡岡 五河縣北二里縣志橫岡紆迴峻崖壁立沱河汎濫不能南徙者實此岡爲之障也

九岡 五河縣南三里崇岡繇互起伏凡九

臥龍岡 五河縣西南七里下有龍潭

瑞巖 盱眙縣西北下有泉源巖上有瑞巖泉篆書石刻

秀巖 盱眙縣玻璃泉上上有秀巖二字并唐宋人題詠石刻

繡谷 盱眙縣普濟院南石林蓊蔚繁花繡卉春如錦繡

杏花巖 盱眙縣崇福寺後有蔣穎叔陳述古題名

溧河 舊州治北七十里源自故虹縣下流通塔影湖

直河 舊州治東北二十里宋崇甯三年開此由汴河達於淮又州東門外有一字河隋時所開通直河口入淮者以河形直如一字故名

紅藍河 舊州治東十里南流入淮隋宮人種紅藍於此

潼河 今州治故虹縣西俗曰南潼河竇宇記潼水在虹縣西三百步自萬安湖南流縣志南潼河源出羊城湖環縣西門東南流經五河縣入淮有響水潭潼汴合流於此波濤相擊聲如雷吼

沱河 今州治故虹縣西南源出宿州紫蘆湖經虹縣東九都

爲南沱河西九都爲北沱河二水合流入五河縣界入淮或曰卽浹水也

池河 盱眙縣西自定遠縣界流入此注於淮

啄戈河 盱眙縣西寢宇記啄戈河在招信縣西二百步舊志有津里河木場河在縣西南源皆出嘉山北流入淮

運河 盱眙縣東北三十里龜山鎮一名新河宋史熙甯四年發運副使史公弼所開以避淮流之險其後蔣之奇復濬治之秦蘭河 天長縣東四十里源出橫山流入於龜沙河

白楊河 天長縣西二十五里源出浮山流逕城濠一名城防河下入石梁河

汭澗河 天長縣西四十五里受覆釜山西南諸水三汭合流入丁溪湖又縣東北有龍岡河西北有銅城河俱入於丁溪

石梁河 天長縣西北三十里一名官河自滁州來安縣流入縣以西之水皆匯焉南有石梁見通典今廢

得勝河 天長縣北七里相傳漢高祖自將擊英布得勝於此因名

潼河 五河縣東三十里源自故虹縣通沱河經天井湖南至鐵鎖嶺入淮互見故虹縣

濞河 五河縣南二里源出南湖東流入淮

沱河 自靈璧縣流五河縣西北合澮水東入於淮又有澡龍灘在沱河之南互見故虹縣

澮河 五河縣南入於淮互詳鳳陽府

簷山湖 舊州治西四十里簷山下長十餘里下流入淮互見

峯山湖 舊州治西百一十里峯山下通淮水又柳山湖在州

西北九十里柳山下

塔影湖 舊州治西北四十里湖東有龜山寺塔日照塔影入湖故名廣袤數十里北通溧河東連洪澤湖

永泰湖 舊州治北寰宇記大業三年開通濟渠塞斷瀝水自爾成湖出赤背鯽魚呼爲朱衣鮒

洪澤湖 舊州治東北八十里舊名破釜塘三國時鄧艾立白水塘與破釜相連隋煬帝幸江都道經此久旱遇雨因改今名舊時湖闊百二十里今則淮水會歸縱橫三百里卽州城之所陷也

龜山湖 舊州治東北三十里與盱眙下龜山對岸

高平湖 舊州治北卽古高平縣地今淪爲湖又北爲陂泊湖其西爲嚴家湖相連入於淮

安湖 舊州治東北六十里下流入淮西有崙墩湖

萬安湖 今州治故虹縣西北卽潼陂也宋史河渠志熙甯九年劉瑾言萬安湖小河可興置從之金史河渠志元光元年開長直溝由萬安湖舟運入汴至泗以貯粟舊志云疑卽今之天井湖又西南四十里有老營湖

羊城湖 今州治故虹縣西北四十里古虹州城沒於此

四山湖 今州治故虹縣東北四山下

萬歲湖 盱眙縣西二里周世宗伐南唐駐師於此一名西湖
馬過湖 盱眙縣西三十里縣志明靖難兵起畱疑兵過盱眙
潛自渡淮乘馬過湖旣渡水深不可測

三城湖 盱眙縣西通池河入淮

丁溪湖 天長縣東下流爲五湖入高郵州又有萬歲湖感塘

湖沂湖上白湖俱與此通

五湖 天長縣東北四十五里五水相合爲一東接高郵州之

毘沙湖又縣北四十里有剡岡湖

藏珠湖 天長縣東北縣志宋嘉祐閒澤陂有一大珠天晦時見

南湖 五河縣南七里流爲漂河

天井湖 五河縣東北二十里與州治界

淮水 自鳳陽府臨淮縣流入經五河東南又東經州南與盱
眙縣分界又東北入淮安府清河縣界水經注淮水東逕夏邱
縣南渙水注之又東至礮石山潼水注之又東逕浮山又東逕
徐縣南歷澗水注之又東池水注之又東蘄水注之又東逕盱
眙縣故城西又東逕富陵歷淮陽城又東北至淮陰五河縣志

在縣東南二里乃淮滄沱滎潼五河會處曰五河口州志淮河
逕州南一里又東北逕草薺劉溝淇澤湖至清河縣會黃河其
支流則由大淵口施家溝周家橋高良澗武家墩等處散入射
陽白馬諸湖明隆慶六年淮黃俱溢清口淤塞萬厯二年淮水
又溢河臣潘季馴始築高家堰其後於大小澗口等凡入湖舊
道盡築隄防自是淮水益壅而泗州大病二十一年按臣牛應
元始議開金家灣芒稻河洩湖水入江繼議開高堰南五十里
周家橋洩淮水入湖又開高堰北五十里武家墩以殺其勢此
開三牖之始也其後乃建武家墩牖由永濟河達涇河下射陽
湖建高良澗牖由空河入涇河建周家橋牖由草子湖寶應湖
入子嬰溝下廣陽湖

國朝康熙三年淮溢武家墩高良澗牖隄頽卸周家橋亦啟閉失

時清口沙日漸淤塞高寶之人議築周家橋南三十里翟家壩遣官謁勘稱爲天然減水壩止令填平決口不許加土增高以塞水路盱眙縣志淮水在縣北二里漫連萬歲湖東流環繞市岸通寶積橋及陡山新河諸水又東北一百五十里入清河口會於黃河

渙水 自鳳陽府靈璧縣流入五河縣南一名澮河水經注渙水自穀陽東南逕白石戍南又逕虹城南合浹水又東南入淮五河縣志舊在縣南一里兩岸陡峻明嘉靖二十年水漲沙淤徙於北澮

汴水 舊州治北自故城縣流至州界入淮宋蘇軾云自唐以前汴泗會於彭城之北然後東南入淮近歲汴水直達於淮不復入泗矣蓋自隋開通濟渠始唐宋之世汴水皆漕渠也

龍潭 五河縣西南七里相傳有龍潛於中

白馬潭 今州治故虹縣南二十里禱雨時應

白馬塘 天長縣東三十五里宋史河渠志熙甯九年劉瑾言
天長縣白馬塘可興置

赤欄浦 盱眙縣南二里上有赤欄橋因名

霧澗 盱眙縣東縣志霧澗繞山而出下流入淮又有香花澗
亦在縣東世傳明祖生時取水澡沐澗水皆香

長沙洲 盱眙縣北淮水泛漲賴以捍禦蘇軾詩十里清淮口
長隄轉雪龍是也今廢

玻璃泉 盱眙縣瑞巖之下泉水清冽瑩徹如玻璃米芾詩鑿
破玻璃引碧泉

大小沱溝 俱在舊州治北十三里流入於汴

蒲陽陂 在舊州治西北東觀記蒲陽陂廣二十里逕百里在道西其東有田可萬頃

支祁井 盱眙縣東北下龜山寺後卽大禹鎖水神處有亭覆其上縣志一名聖母井

琉璃井 在天長縣東眞勝寺中井中蜃縫融爲一片瑩膩如琉璃狀